

Adie na Adhoch


Christine Nyangate
Kiswahili






Hapo zamani za kale palikuwa na mwanaume mmoja aliyekuwa na wake wawili.

Wake zake walipata watoto wasichana wawili, Adie na Adhoch. Watoto hawa walipendana sana.




Adie alikuwa mwenye bidii, mkarimu na mwenye nidhamu.
Adhoch naye alikuwa mvivu, mchoyo na mtovu wa nidhamu.



Adie alipendwa na walimu. Alipata zawadi nyingi kutokana na bidii yake.

Adhoch hakupata zawadi yoyote. Mamake Adhoch alimwonea wivu Adie.



Mamake Adie aliugua na kufa.

Adie hakupendwa na mamake wa kambo kama alivyopendwa na mamake mzazi.




Adie alizifanya kazi zote za nyumbani. Hakuwa na wakati wa kujitayarisha kwenda shule.

Adhoch alisoma na kucheza na wenzake.



Hata hivyo Adie alifanya vyema katika masomo yake shuleni. Alipita mitihani yake na kuendelea kupata zawadi.

Hili lilimkasirisha mamake Adhoch zaidi.




Siku moja mamake Adhoch alimtaka Adie aende naye kuchota maji ziwani.

Walipofika, mamake Adhoch alimwambia achote maji mbali na ukingo wa maji safi. Mawimbi yalimbeba Adie akazama.



Mama alirudi nyumbani. Adhoch alimwuliza, "Mama, Adie yuko wapi?"

Mamake Adhoch alisema, "Anacheza na wenzake. Atakuja nyumbani baadaye."




Jioni, Adhoch alienda kumtafuta dada yake. Alimwita, "Adie! Uko wapi?"

Adhoch akasikia sauti ikisema, "Niko ziwani. Mama alinizamisha."



Adie aliingia majini akimwita dada yake. "Adie uko wapi?"

Alisikia jibu kama lile la kwanza, "Niko majini, mama alinizamisha."



Adhoch aliingia majini naye akazama kama vile dada yake alivyoza.



Mamake Adhoch alikuwa na huzuni sana. Alimpoteza Adhoch kwa sababu ya wivu.

Alifanya kazi zote peke yake.


Adie na Adhoch

Writer: Christine Nyangate

Illustration: Catherine Groenewald, Wiehan de Jager, Melany Pietersen, Alice Toich, Silva Afonso, Silva Afonso and Vusi Malindi, Michael Omadi and Vusi Malindi

Translated By: Christine Nyangate

Language: Kiswahili



This story was created during a workshop at KU.

© African Storybook Initiative, 2016



This work is licensed under a Creative Commons Attribution (CC-BY 4.0) Version 4.0 International Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative